

## Gipuzkoako Aldizkari Ofiziala

79. zenbakia

Data 2009-04-30

47 orria

### 7 UDAL ADMINISTRAZIOA

#### ASTIGARRAGAKO UDALA

**UDAL ORDENANTZA: herritarren elkarbizitza eta bide publikoaren erabilera eta garbiketa arautzeko.**

#### ASTIGARRAGAKO UDALA

##### *Iragarkia*

2009ko martxoaren 26an buruturiko Udal osoko bilkuran 2009ko urtarrilaren 14ean Gipuzkoako ALDIZKARI OFIZIALEAN argitaratutako Herritarren elkarbizitza eta bide publikoaren erabilera eta garbiketa arautzen duen udal Ordenantza aldatzea erabaki zen. 34 artikulua 6. atala bertan beheara uzten da, eta aldaketa hori kontuan harturik Ordenantza osoa argitaratzen da.

Herritarren elkarbizitza eta bide publikoaren erabilera eta garbiketa arautzen duen udal ordenantza.

#### KAPITULUA

##### XEDAPEN OROKORRAK

###### *1. artikulua. Xedea.*

Ordenantza honek elkarbizitza arauak ezartzea du oinarritzko xede eta baita haiek bakean, askatasunean eta eskubide zein betebeharr berdintasunean bete daitezzen zaintzea ere.

Helburu hori lortzeko, Ordenantza honek elkartasunean eta elkarrekiko errespetuan oinarritutako herritarren talde bizitza arautzeko xedapenak ematen ditu.

###### *2. artikulua. Aplikazio eremua.*

Ordenantza hau Astigarragako udalerrri osoan aplikatuko da, eta herritar zein bisitari guztiek betetzekoa da.

###### *3. artikulua.*

Ordenantza honen xedapenak ez betetzea eta ordenantzaren edukiaren ezjakintasunean babestea ez da inorentzat mesedegarri izango.

#### II. KAPITULUA

##### JOKABIDE ZIBIKOAZ

###### *4. artikulua. Herri altzariak eta espazio publikoak babestea.*

1. Herrian dauden herri altzariak egoki eta behar bezala erabiltzeko obligazioa dute herritar guztiek, -altzari horiek errespetatu egin behar dira, ongi kontserbatzeko eta normal erabiltzeko moduan egon daitezzen.

2. Debekatuta dago herri altzariak eta espazio publikoak zikindu eta hondatzen dituzten edo honda ditza-keten ekintzak egitea, eta, bereziki, honako ekintza hauek:

a) Eserlekuak beren erabilera naturalaren aurka erabiltzea; ezin dira zapaldu, ezin dira dauden lekuetatik kendu, ez hautsi, ez zikindu eta, oro har, ezin da haien erabilera kaltetu edo kontserbazioa hondatuko duen ezer egin.

b) Debekatuta dago jokorako tresnak modu txarrean eta kaltetu edo hausteko moduan erabiltzea, haurrentzako jokoak ezin dituzte erabili ez helduek ez eta, adin txikikoak izan arren, jokoan bertan adierazita datorren adina gaunditzen dutenek ere.

c) Debekatuta dago zaborrak, pipak, fruitu lehorren edo antzekoen azalak, txikleak edo paperak zeregin horretarako dauden paperontzietatik kanpo botatzea.

d) Debekatuta dago paperontziak irauli edo beren tokietatik ateratzea, eta baita haien itxura eta osotasuna honda dezaketen beste ekintza guztiak ere.

e) Debekatuta dago hiri hondakinatarako paperontzi eta edukiontzietan tresna edo objektu arriskutsuak botatzea, osasun ondakinak, pila zein bateria, animalia hondakinak, e.a. bezelakoak.

f) Debekatuta dago iturri publikoetako hodiak, kanilak eta gainerako elementuak manipulatzeko haien fun-

tzionamendu normaletik kanpo.

g) Debekatuta dago herrian dauden zuhaitz zein beste landare, farola, eskultura eta gainerako apaingarriak kaltetuko dituen edozein ekintza edo manipulazio, eta baita elementu horiek hondatzen dituzten ekintzak ere.

h) Debekatuta dago sua eta ekintza piroteknikoak egitea udalaren eta alor horretan eskumena duten administrazioen derrigorrezko baimenik gabe. San Joan bezperako suak eta antzekoak egiteko, udalaren baimena lortu beharko da aurrez jakinarazita.

i) Debekatuta dago animaliei bide publikoko gizakien kontsumorako iturrietako grifoetatik zuzenean edaten uztea.

j) Debekatuta dago iturri, ibai, erreka edo urmaeletan edo bide publikoan hidrokarbuoak, edota usain txarrak eta eragozpenak sortzen dituzten substantziak botatzea.

#### 5. artikulua. Berariazko debekuak.

1. Debekatuta dago bide publikoan otsailaren 16ko 230/1998 Errege Dekretuak 3. sailkapeneko petardoak erabiltzea, maila ertaineko arriskua dutenak eta kalean erabiltzekoak direnak. Debekatuta dago ere bengalak erabiltzea, eta debekatuta dago edozein motatako objektuak jaurtikitzen dituzten tresna edo gailuak erabiltzea, esate baterako, arkuak, zerbatanak, tiragomak eta bolak botatzen dituzten pistolak, hala ere Astigarragako Udalak, egoki ikusten badu, gertakizun zehatzetan material piroteknikoa erabiltzea arautu dezake.

2. Debekatuta dago oinezkoentzako plazetan eta espaloietan bizikleta, motozikleta, ziklomotor, patin edo beste edozein ibilgailu edo motordun ibilgailutan ibiltzea modu ez egokian edo oinezkoengan arriskua sortuz, debeku honetaz kanpo egonik elbarriturik dauden pertsonen beren ibilgailuetatik jeitsi edo igotzeko erreztasunak eman behar direnean.

3. Debekatuta dago fatxadetatik aurrera ateratzen diren loreontziak, jardinerak eta abar jartzea, eraikineko berezko elementuek behar bezala eusten ez badiete edo bide publikoko oinezkoen zein bere ondasunei arriskua eragin badiezazkiekete.

4. Auzokoen atsedena errespetatzeko eta etxean bizikidetzatza arrunta nahasiko duen zaratarik ez egiteko betebeharra dute herritar guztiek. Arrazoi horregatik, etxe barruan ezin da beste edozein motatako zaratarik egin –bereziki gaueko 22:00etatik goizeko 08:00ak arteko ordutegian lanegunetan eta goizeko 10:00ak arte jaiegunetan– etxean konponketa material edo mekanikoak, altzari edo etxetresna elektrikoak aldaketak egin behar direnean edo beste edozein arrazoiengatik. Nolanahi ere, horiek ezin izango dituzte 30 dB(A)-ak gainditu harrera puntuan.

5. Patio, terraza, galeria, merkataritza lokal, garaje, balkoi edo beste espazio itxi edo irekietan ezin izango da beren soinu, oihu edo kantuekin, edo beren eginkari fisiologikoak egiten dituztelako auzokoei traba egin edo auzokoak gogaitu ditzaketan animaliarik utzi.

6. Alarma sistema duen edo jartzeko asmoa duen herritar zein enpresa edo komertzio arduradun oro behartuta dago Eusko Jaurlaritzako Herrizaingo Sailak zehaztutako protokoloari jarraitu beharko dio.

#### 6. artikulua. Parke eta lorategi publikoak.

1. Herritarrek herriko parke eta lorategi publikoak errespetatzeko obligazioa dute.

2. Parke, lorategi, parterre eta loreontzietako eta bide publikoan aldatutako landare espezie desberdinak (zuhaitzak, zuhaixkak, belarkiak eta garaiko landareak) ongi kontserbatu eta mantendu ahal izateko, debekatu dago honako ekintza hauek egitea:

a) Landareak lapurtzea (zuhaitzak, zuhaixkak, gramineak eta garaiko landareak).

b) Zuhaitzen azaletan gauzak idatzi edo margotzea, punta zorrotzak sartzea, zuhaitz horiei eskailerak edo tresnak eta aldamioren euskarriak lotzea eta kartelak jartzea.

c) Zuhaitzak zein zuhaixkak bota, inausi eta haustea.

d) Saiatu behar da konpainiako animaliek ez dezaten zuhaitzik edo berdeguneetako edozein elementu hautsi.

e) Aldi baterako bada ere, obra materialak zuhaitzetan pilatzea eta haietan edozein produktu toxiko isurtzea. Berdeguneetan materialak pilatu (aldamioa jarri) behar izanez gero, baimena eskatu beharko da eta, ondoren, haiek lehen zeuden bezala utzi.

f) Berdeguneetan, haiek hondatzeko edo duten estetika eta erabilera ona kaltetzeko moduko zaborrak, hondakinak, harriak, legarra edo beste edozein produktu botatzea.

g) Soropil eta lorategietan, espaloietan edo oinezkoentzako guneeetan gorotzak uztea.

h) Parke eta lorategietan sua piztea.

i) Bizikleta, motor do ziklomotoretan ibiltzea, hartarako egokitu gabe edo zoleztatu gabe dauden guneeetatik kanpo.

j) Ibilgailuak aparkatzea.

k) Parke eta lorategietan etxeko animaliak aske uztea, salbu horretarako egokitutako eremuak balira.

*7. artikulua. Droga eta edari alkoholodunen kontsumoa.*

1. Udaltzaingoak berehala konfiskatuko ditu drogak, substantzia estupefazianteak, substantzia psikotropikoak eta legez kanpoko arma eta tresna arriskutsuak.

2. Bide publikoan edari alkoholodunak kontsumitzeari dagokionez, debekatuta dago:

a) Bide publikoan edari alkoholodunak saldu eta kontsumitzea, terraza edo kanpoko mahaitxoetan izan ezik, baina, nolana ere, dagokion udal lizentzia beharko da.

b) Ostalaritza establezimenduek kanpoan kontsumitzeko edariak saldu edo hornitzea, ez bada terrazetan edo beharreko udal baimena duten beste instalazio batzuetan kontsumitzeko.

c) 18 urtetik beherakoei edari alkoholodunak saldu eta hornitzea edo horrelakorik kontsumitzea, bai salmenta lekuetan bai kontsumo lekuetan.

Era berean, establezimendu eta komertzioetako arduradunen kontroletik ihes egiteko edari alkoholodunak erosi eta gero adin txikikoei ematen dizkieten pertsona nagusiak adin txikikoei edari alkoholodunak hornitzearen erantzule izango dira.

Segurtasun arrazoiengatik, Udalak baimendutako jendetza handia biltzen duten ikuskizunetan, izaera bereziko ekitaldietan, hala nola txotx garaian, herriko jaietan, inauterietan eta gabonetan, eta bestelako ekintza jendetsuetan, esate baterako kontzertu eta antzekoetan, plastikozko edalontziak erabiliko dira. Ezin da inola ere kristal edo beirazko ontzirik erabili, ez eta lata edo antzekorik ere.

### III. KAPITULUA

#### BIDE PUBLIKOAREN GARBIKETA

*8. artikulua.*

Herritar guztiek dute, oro har, herria eta, bereziki, espazio publikoak garbi mantentzeko betebeharra.

*9. artikulua.*

Loreontziak edo landareak bide publikora urik bota gabe ureztatuko dira.

*10. artikulua.*

Debekatuta dago bide publikoa zikin dezakeen edozein jarduera egitea, eta bereziki debekatuta dago:

— Bide publikoan ibilgailuak garbitzea.

— Motorraren olioak aldatzea edo bide publikoa zikin dezakeen edozein motatako isurkari manipulaztea.

— Bide publikoan ibilgailuak konpontzea.

— Bide publikoan kaka eta pixa egitea.

— Zaborrak edo hiri hondakinak manipulaztea edo miatzea, eta haiek biltzea oztopa dezakeen jarduerarik egitea: Barreiatzea edo ontziak aldatzea.

— Bide publikora txikleak, zaborrak eta hondakinak botatzea edo bertan uztea.

— Txakur gorozkiak bide publikoetan, jolas parkeetan, lorategietan eta, oro har, apaingarrirako edo jendearen joan-etorrirako den beste edozein lekutan uztea.

*11. artikulua.*

Industria edo merkataritza jarduera batek bere inguruetan edo, terrazen kasuan, baimendutako gunean zikinkeria sortu ohi badu, establezimenduko titularrak garbi eduki beharko du zikindutako bide publikoaren zatia, dagozkien lizentziei aplikatu beharreko erregimenetik etor daitezkeen neurri zuzentzaile eta gainerako betebeharrei kalterik egin gabe.

*12. artikulua.*

Erakusleihu, establezimendu, salmenta puntu eta antzekoen garbiketa kontu handiz egingo da, bide publikoa ez zikintzeko moduan; eta bertan dabilatzanez eragozpenik ez sortzeko orduetan.

Establezimendu itxien jabeek fatxaden apainketaz arduratu beharko dute.

*13. artikulua. Toldoak eta pertsianak.*

Toldo eta pertsianeiz dagokienez, Udal Ordenantzak xedatutakoa beteko dute.

Beheko solairuetako lokaletako toldoak eta pertsianak kontserbazio eta garbiketa egoera onean mantenduko dira, eta berriuz egingo dira kanpoko itxurak eskatzen duenean.

*14. artikulua. Errotuluak, plakak eta gainerako bereizgarriak.*

Edozein errotulu, plaka edo bereizgarri bide publiko aldera jartzeko, beharreko lizentzia lortu beharko da. Horiek garbi edukiko dira eta hondatuak aldatu egingo dira.

*15. artikulua.*

Generoa soltean edo edozein materia ontziratu gabe garraiatzen duten ibilgailuak bide publikora isurketarik ez egiteko moduan kargatu eta ekipatuko dira.

*16. artikulua. Zamalanak.*

1. Edozein ibilgailuren karga eta deskargak egitean zikindutako espaloi eta galtzadak berehala garbituko dira, lan horiek bukatu bezain laster.

2. Garbiketa horiek (ibilgailuen jabeek egingo dituzte) eta, subsidiarioki, karga edo deskarga egin den establezimendu edo finkaren titularrek.

3. Garbiketa udal zerbitzuek egingo dute, baina gastuak haiek ordainduko dituzte.

*17. artikulua. Erabilera berezi edo pribatiboak ukituriko eremuaren garbiketa.*

1. Erabilera arrunt berezi eta pribatiboaren ondorioz bide publikoa zikintzen bada, erabilera horien baimena duten edo esleipendunak diren pertsona fisiko edo juridikoen erantzukizuna izango da. Sortzen dituzten hondakinak bota edo edukitzeko ontzi homologatuak jartzeko eskatu ahal izango die Udalak, eta -ontzi horiek garbitu ere egin beharko dituzte.

2. Terraza eta mahaien garbiketari dagokionez, titularrek egin beharko dute ordubeteko epean, establezimendua ixten den unetik aurrera kontatuta. Dena dela, egun osoan garbi eduki beharko dira, garbiketa eta higieine baldintza egokietan, eta, horretarako, erratza pasako da eta garbiketa lanak egingo dira aldian behin.

3. Terrazen kudeaketa hondakinak ez sortzeko moduan egingo da.

*18. artikulua.*

Finka eta eraikinen jabeek haien elementuen apaindura publikoa gordetzeko obligazioa dute. Fatxaden, sarreraren eta, oro har, higiezinak dituen eta bide publikotik ikusten diren arkitektura elementuen zein higiezinaren osagarrien (antenak, tximiniak) garbiketa eta mantentze lana egin beharko dituzte.

## IV. KAPITULUA

### OBRA PUBLIKOAK GAUZATZEA

*19. artikulua.*

1. Egiten diren jarduera eta obra guztiek, bide publikoa zikindu ez dadin, beharreko neurriak hartzera behartzen dute titularra, derrigorrezko lizentzietatik datozen baldintzak betetzeaz gain. Era berean, obra horrek ukituriko eremua behar adina aldiz garbitzeko eta sorturiko hondar materialak erretiratzeko obligazioa izango du titularrak.

2. Udalak garbiketa lanak egiteko eskatu ahal izango dio obraren arduradunari.

3. Eraikitze, berritze edo eraiste lanak direnean, obra lizentziaren titularra izango da obra horiek ukituriko bide publikoaren garbiketaren erantzulea.

*20. artikulua. Obraren babesa.*

1. Zikinkeriarik ez biltzeko, bide publikoa ukitzen duten edo uki dezaketen lanak edo obrak egiten dituzten pertsonak obra hori babestu egin beharko dute inguruan elementu egokiak jarrita, obrako lurak eta soberako materialak baimendutako eremutik edo obra mugatzen duen perimetrotik kanpora isuri eta zabaldu ez daitezen.

2. Debekatuta dago obraren perimetroaren barnean ez dagoen bide publikoan lurak, hondarrak, legarrak eta gainerako materialak uztea, eta baita eusteko eta induskatzeko elementu mekanikoak eta gainerako tresna lagungarriak pilatzea ere, dagokion obra lizentzian udalaren baimen espresa jasotzen ez bada; eta espazio hori beti garbi edukiko da.

3. Lanegun bakoitza bukatzen denean bide publikoan egindako lan eremuak, lubakiak, kanalizazioak eta abar, garbi eta babestuak utziko dira eta jarri beharreko seinaleak jarriko zaizkie istripurik gerta ez dadin, gauerako balizaje elementuak barne, obra esleitzailerak izanik lan hauen erantzule.

*21. artikulua. Garbiketa plataforma.*

1. Obraren eremuan plataforma bat edukiko da, bertan, ibilgailuen gurrupilak eta galtzada zikin dezaketen gainerako elementuak garbitu ahal izateko bide publikora atera aurretik.

2. Prebentzio hori betetzen ez bada, dagokion zigorra jartzeaz gain, obrako ibilgailu horiei bide publikora ateratzea debekatu egingo die Udaltzaingoa.

### 22. artikulua. Masaderak.

1. Debekatuta dago masadera-ibilgailuan hormigoia garraiatzea, hormigoia hori bide publikora ez isurtzeko, beharreko gailuaren bidez deskarga-ahoa ixten ez bazaio.
2. Debekatuta dago masaderak bide publikoan eta horretarako egokia ez den beste edozein lekutan garbitzea.
3. Aurreko bi atal horiek betetzen ez badira, ibilgailuaren jabea eta gidaria izango dira erantzuleak, eta erantzule subsidiarioa, berriz, obraren sustatzailea edo zerbitzua ematen dioten jardueraren titularra. Isurtzen den hormigoia eta ukituriko bide publikoa garbitzeko obligazioa dute. Horrez gain, dagozkien zigorrak jarri ahal izango zaizkie.

### 23. artikulua. Lurren eta obra-hondakinen garraioa.

1. Lurrak eta obra-hondakinak garraiatzeko ibilgailuek beharreko baldintzak beteko dituzte, bide publikora isurketarik egin ez dezaten.
2. Istripu, iraulketa edo beste edozein gorabeheraren ondorioz karga bide publikora erori edo isurtzen bada, eta bideko segurtasunari begira arriskuak sor baditzake, gidariek ahalik eta azkarren eman beharko diote horren berri Udaltzaingoiari, eta, horrekin batera, eroritakoa bildu eta arrisku eremutik kanpo eramaten hasiko dira, garbiketa zerbitzuek eman diezaieketen laguntzaren zain.
3. Lurrak eta obra-hondakinak garraiatzen dituztenek, ukituriko bide zatia berehala garbitzeko obligazioa dute, karga, deskarga eta garraio lanen ondorioz bide publikoa zikintzen bada.
4. Era berean, edozein unetan kendu behar dituzte, eta Udal Agintariak eskatzen duten guztietan, baimendu gabeko lekuetan isuritako lurrak eta obra-hondakinak. Horrez gain, dagozkien zigorrak jarri ahal izango zaizkie.

## V. KAPITULUA

### URBANIZAZIO ETA ORUBEEN GARBIKETA

#### 24. artikulua. Espazio pribatuaren garbiketa.

1. Urbanizazio pribatuaren espaloiak, igarobideak, galtzadak, plazak eta lorategiak garbitzeko lana jabeek dagokie.
2. Jabeek etxadietako barne patioak, orube partikularrak, merkataritza galeriak eta antzekoak garbitzeko obligazioa dute.
3. Elementu pribatu horien guztien garbiketa egoeraren kontrola eta ikuskatzea Udalak egingo du eta erantzuleei garbitzeko eskatuko die, zeregin horretarako udal zerbitzuek emandako aginduen arabera.
4. Merkataritza lokalen jabeek, bertan jarduera izan edo ez, beren fatxadak egokituko dituzte eraikinaren apaindura, mantentze eta ezaugarrietara, xede horretan zehaztutako zehaztapenen arabera.

#### 25. artikulua. Orube eta lur pribatuak.

1. Orube eta lurren jabeek zabor eta hondakinak gabe eduki beharko dituzte horiek, eta beharreko osasun, higiene, segurtasun eta apaindura publiko baldintzetan. Era berean, arratoi eta era honetako animalietaz babestuak beharko dute.
2. Edozein hirigintza jarduketara prozesuan diren eraikin hondatuak behar den bezala itxita edo hesituta egongo dira, bertara haiekin zerikusirik ez duen edonor sar ez dadin.
3. Kapitulu honetako punturen bat betetzen ez bada, Udalak subsidiarioki eta legearen arabera indarrean dauden mugak kontuan hartuta, hartu beharreko neurriak hartuko ditu ondorio horietarako, eta lur horretara sartu ahal izango da aurreko paragrafoetan jasotako helburuz. Sortzen diren kostuak jabeek ordainduko dituzte.

## VI. KAPITULUA

### BIDE PUBLIKOAREN OKUPAZIOA

#### 26. artikulua. Irizpide orokorra.

1. Debekatuta dago bide publikoa erakustegi edo beste edozein objektu motarekin okupatzea dagokion baimenik gabe.
2. Debekatuta dago kontsumorako produktuen banaketa zuzenean bide publikora egiten duten makina banatzaileak udalaren baimenik gabe jartzea.

*27. artikulua.*

Ordenantza honetan araututako helburu komertzialeko jarduerak burutzeko beharrezkoa da alde zuzenetik udal baimena lortzea.

Ez dira onartzen honako publizitate-ekintza hauek:

- a. Ibilgailuen joan-etorria edo oinezkoen segurtasuna arriskuan jar dezakeen iragarki-euskarririk jar-tzea.
- b. Bide publikoan pintadak edo piktogramak egitea: Galtzadan, zintarran, plazetan, pasealekuetan, zuhaitzetan, faroletan, zutabeetan, etxeen fatxadetan, paretetan
- c. Guztiz debekatuta daude kola edo antzeko produkturen bat erabiliz itsatsitako iragarkiak. Bai eta udal-erretoretako eta tenpluetako paretetan, bustoetan, monumentuetan, etab. egindakoak ere.

*28. artikulua. Publizitatea kentzea.*

Astigarragako Udalak herritar eta elkarteetako iragarkietarako gune bereziak egokituko ditu.

Iragarki edo/eta publizitatea egokitutako guneetatik kanpo jartzea debekatuta egongo da.

Astigarragako udalak, egoki ikusten badu, iragarki guneen kudeaketa aratu ditzake

*29 artikulua. Kanpatzeak.*

1. Astigarragako udalerrri osoan ezin izango da kanpatu eta kanpin dendak edo horretarako egokitutako ibilgailuak jarri. Era berean, ezin izango da bide publikoan janaria prestatu ezta, ekar dezakeen arriskuagatik, surik edo barbakoarik egin ere. Salbuespena egingo da aurretik eskatutako eta udalak baimendutako ekitaldietan.

2. Agintaritzaren Agenteei bide publikoa okupatzen duten kanpin dendak, ibilgailuen edo beste edozein eratako materialen jabe edo erabiltzaileei jokabide hori aldatzeko eskatuko diete, eta dagokien salaketa ere egin diezaiekete. Ezezkoa emanaz gero, edo jabeak edo erabiltzaileak aurkitu ezin badira, Agintaritzaren Agenteei beharrezko bideak erabili ahal izango dituzte elementu horiek berehala erretiratzeko, eta sortutako gastuak jabeek ordainduko dituzte.

Arau orokor gisa, egin beharrezko garbiketa inplikaturako jabe edota titularrek egiten ez badute, udal zerbitzuek egingo dute, baina gastuak haiek ordainduko dituzte.

*30. artikulua.*

Eraikinen, orubeen, merkataritza lokalen eta bestelako enpleguen eraikitze, berritze edo hobetze lanak egiten dituztenek ezingo dute bide publikoa okupatu, ezta aldi baterako bada ere, aurretik ez badute udal baimenik edo derrigorrezko lizentziarik lortu.

*31. artikulua.*

Debekatua dago bide publikoan edozein objektu uztea edo pilatzea (horretarako espresuki jarrita dauden egunetan izan ezik, alegia, astelehenean, gaueko 22:00etatik aurrera). Bide publikoan pilatutako edozein objektu udal zerbitzuek eraman ahal izango dute, eta Udalak horren kostuak behar ez den eran utzitako materialaren titularri ordainaraziko dizkio.

## VI. KAPITULUA

## ZIGOR ERREGIMENA

*32. artikulua. Arau hausteak.*

1. Arau hauste administratiboa izango da Ordenantza honek zehaztutako xedapenak ez betetzea eta bertan zehazten diren debekuak urratzea.

2. Alkateak edo hark aukeratutakoak zigortuko ditu Ordenantza honetan xedaturikoaren arau hausteak. Betiere, legeriak baimentzen dituen mugen barnean eta kasu bakoitzean egon litezkeen erantzukizun zibil eta penalez gain.

*33. artikulua. Arau hauste motak.*

1. Arau hausteak arinak, larriak eta oso larriak izan daitezke, honako hauek kontuan hartuta: Nahita egiten den, zibismo ezaz jokatzeko den, zabarkeria maila, pertsonen osasun eta segurtasunerako arriskua, eragindako kaltearen larritasuna.

2. Arau hauste arinak izango dira honako artikulua hauei eginiko arau hausteak:

- a. 4.2 (a, b, c, f, g, h, i, j).
- b. 5 (.1,.2,.3,.4,.5).
- c. 6 (a, b, d, g, h, j).

- e. Obrako materialak, aldi baterako bada ere, edozein zuhaitzetan pilatzea.
- f. 10, 11, 12, 13, 14, 15, 16, 17, 29.
- g. Jabari publikoko ondasunetan kalteak eragitea, kalte horien zenbatekoa 3.000 eurotik gorakoa ez bada.
- 4. Arau hauste larriak izango dira honako artikulua hauei eginko arau hausteak:
  - a. 4.2 (d, e).
  - b. 7, 19, 20, 21, 22, 23, 24, 25, 26, 30, 31.
  - c. 28 eta 29. artikuluetan xedatutakoa es betetzea.
  - d. Jabari publikoko ondasunetan kalteak egitea, kalte horien zenbatekoa 3.000 eurotik gorakoa eta 10.000 eurotik beherakoa bada.
  - e. Oinezkoentzako plazetan eta espaloietan ziklomotorean eta motozikletan, patin motordunetan eta edozein ibilgailu motordunetan ibiltzea.
  - f. Agintaritzaren Agenteei emandako agindu bat ez betetzea, Ordenantza honen zehaztapenak betetzeko eskakizunari loturik badago, baldin eta arau hauste horrek delitu izaera.
- 5. Arau hauste oso larriak izango dira honako hauek:
  - a. Zuhaitzak eta zuhaixkak botatzea, kimatzea eta haustea edo haien hil ditzakeen edozein ekintza egitea.
  - b. Zuhaitzetan edozein eratako produktu toxiko isurtzea.
  - c. Jabari publikoko ondasunetan kalteak egitea, kalte horien zenbatekoa 10.000 eurotik gorakoa bada.

#### 34. artikulua. Isunak.

1. Arau hauste arinei 60 eta 750 euro arteko isuna jarriko zaie eta, edozein elementu urbano aldatu behar izanez gero, horren kostua ordainaraziko da.
  2. Arau hauste larriei 751 eta 1.500 euro arteko isuna jarriko zaie eta, edozein elementu urbano aldatu behar izanez gero, horren kostua ordainaraziko da.
  3. Arau hauste oso larriei 1.501 eta 3.000 euro arteko isuna jarriko zaie eta, edozein elementu urbano aldatu behar izanez gero, horren kostua ordainaraziko da.
- Zenbateko horiek dagokion sektore araudiak zehazten dituen isun ez gain aplikatuko dira.
4. Ordenantza honen beste edozein ez betetze 60 eta 750 euro arteko isunarekin zigortuko da, isun gisa zenbateko ekonomikoa bereziki zehaztuta ez duten kasuetan, aurreko artikulua honi loturik zehaztutakoaren arabera.
  5. Jartzen diren isunak alde batera utzita, behar bezala ordainduko dira jabari publikoko ondasunetan egindako kalteak, eta baita eragindako galerak ere, hori guztia dagokien udal zerbitzuek aurrez ebaluatu ondoren. Kalte eta galera horien zenbatekoa modu betearazlean zehaztuko du isuna jartzeko eskumena duen organoak.

#### AZKEN XEDAPENA

Ordenantza hau Gipuzkoako ALDIZKARI OFIZIALEAN argitaratu eta handik 15 egunetara jarriko da indarrean.

Astigarraga, 2009ko apirilaren 14a.—Bixente Arrizabalaga Bengoetxea, Alkatea. (5008)

*34-1. Artikulua eranskina. Arau hauste arinak zigortzeko isunen kopuruen zerrenda.*

#### ARAU OROKORRAK ISUNAK

##### ARAU-HAUSTE ARINAK

#### 1. 4. artikuluko arau hausteak.

4.2.a. Eserlekuak beren erabilera naturalaren aurka erabiltzea; ezin dira zapaldu, ezin dira dauden lekuetatik kendu, ez hautsi, ez zikindu eta, oro har, ezin da haien erabilera kaltetu edo kontserbazioa hondatuko duen ezer egin: 100 €.

4.2.b. Jokorako tresnak modu txarrean eta kaltetu edo hausteko moduan erabiltzea, haurrentzako jokoak ezin dituzte erabili ez helduek ez eta, adin txikikoak izan arren, jokoan bertan adierazita datorren adina gainditzeko dutenek ere: 100 €.

4.2.c. Zaborrak, pipa eta fruitu lehorren edo antzekoen azalak, txikleak edo paperak paperontzietatik kanpo botatzea: 60 €.

4.2.f. Iturri publikoetako hodiak, kanilak eta gainerako elementuak manipulatzeko haien funtzionamendu normalerako kanpo: 60 €.

4.2.g. Herrian dauden zuhaitz zein beste landare, farola, eskultura eta gainerako apaingarriak kaltetuko dituen edozein ekintza edo manipulazio, eta baita elementu horiek hondatzen dituzten ekintzak ere: 100 €.

4.2.h. Sua eta ekintza piroteknikoak egitea udalaren eta alor horretan eskumena duten administrazioen derrigorrezko baimenik gabe: 60 €.

4.2.i. Animaliei bide publikoan gizakien kontsumorako dauden iturrietatik zuzenean edaten uztea. 60 €.

4.2.j. Iturri, ibai, erreka edo urmaeletan edo bide publikoan usain txarrak eta eragozpenak sortzen dituzten substantziak botatzea: 60 €.

4.2.k. Arau-auste hauen isunak trukatuak ahal izango dira gizarte lanengatik, beti ere legediaren barne.

## 2. 5. artikuluko arau hausteak.

5.1. Bide publikoan petardoak edo bengalak erabiltzea eta edozein motatako objektuak jaurtikitzen dituzten tresna edo gailuak erabiltzea, esate baterako, arkuak, zerbatanak, tiragomak eta bolak botatzen dituzten pistolak: 100 €.

5.3. Fatxadetatik aurrera ateratzen diren loreontziak, jardinerak eta abar jartzea, eraikineko berezko elementuek behar bezala eusten ez badiete eta bide publikoko oinezkoiei zein bere ondasunei arriskua eragin badieazazkiekete: 100 €.

5.4. Auzokoen atsedena ez errespetatzea eta 30 dB(A) baino zarata handiagoa egitea lanegunetan gaueko 22:00etatik goizeko 08:00ak arte eta jaiegunetan goizeko 10:00ak arte: 100 €.

5.5. Patio, terraza, galeria, merkataritza lokal, garaje, balkoi edo beste espazio itxi edo irekietan animaliak uztea, beren soinua, oihu edo kantuekin, edo beren eginkari fisiologikoak egiten dituztelako auzokoei traba eragin badieazazkiekete edo auzokoak gogait baditzaikete: 100 €.

5.6. Animaliei kalean jatekorik ematea: 60 €.

5.7. Alarma sistema bat jarri arren alarma-zentral batekin konektatu gabe egotea edo Eusko Jaurlaritzako Herrizaingo Sailak zehaztutako protokoloa ez betetzea: 100 €.

## 3. 6. artikuluko arau hausteak.

6.2.a. Landareak lapurtzea (zuhaitzak, zuhaixkak, belarkiak eta garaiko landareak): 200 €.

6.2.b. Soropila eta landareak hondatzea edo belardietan kanpatzea: 200 €.

6.2.d. Zuhaitzen azaletan gauzak idatzi edo margotzea, punta zorrotzak sartzea, zuhaitz horiei eskailerak edo tresnak eta aldamioren euskarriak lotzea eta kartelak jartzea. Eta konpainiako animaliei zuhaitzak hausten uztea. 200 €.

6.2.g. Soropil eta lorategietan, espaloietan edo oinezkoentzako guneetan gorotzak uztea. 200 €.

6.2.h. Parke eta lorategietan sua piztea: 200 €.

6.2.i. Bizikleta, motor edo ziklomotoretan ibiltzea, hartarako egokitu gabe edo zoleztatu gabe dauden guneetatik kanpo: 200 €.

## 4. 10. artikuluko arau hausteak.

— Bide publikoan ibilgailuak garbitzea: 100 €.

— Motorraren olioaldatzea edo kalea zikin dezakeen edozein motatako isurkari manipulatzeko: 200 €.

— Bide publikoan ibilgailuak konpontzea: 200 €.

— Bide publikoan kaka eta pixa egitea: 200 €.

— Zaborrak edo hiri hondakinak manipulatzeko edo miatzeko, eta haiek biltzeko oztopa dezakeen jarduerarik egitea: Barreiatzea edo ontziak aldatzea: 200 €.

— Bide publikora txikleak, zaborrak eta hondakinak botatzea edo bertan uztea: 100 €.

— Txakur kakak bide publikoetan, jolas parkeetan, lorategietan eta, oro har, apaingarriko edo jendearen joan-etorrirako den beste edozein lekutan uztea: 200 €.

— Bide publikoan edalontziak, botilak eta freskagarrien ontziak uztea: 60 €.

— Bide publikoan edalontziak, botilak, botila txikiak eta freskagarrien ontziak botatzea: 200 €.

## 5. 11, 12, 13, 14, 15, 16, 17, 28 eta 29. artikuluetako arau hausteak.

11. Merkataritza jarduera batek eragindako bide publikoa garbi ez edukitzea: 60 €.

12. Erakusleihu, establezimendu, salmenta puntu eta antzekoen garbiketa egiterakoan bide publikoa zikintzea edo lan horiek kalean barrena doazenei traba egiten dien ordutegian egitea: 60 €.

13. Beheko solairuetako lokaletako toldoak eta pertsianak kontserbazio eta garbiketa egoera onean ez edukitzea: 60 €.

14. Bide publiko aldera ematen duten errotulu, plaka edo bereizgarriak garbi ez edukitzea edo udal baimenik gabe jartzea: 60 €.

15. Generoa edo isurkariak garraiatzen dituzten ibilgailuak gaizki kargatuta edo behar ez bezala ekipatuta egotearen ondorioz bide publikoan generoa edo isurkariak isurtzea: 60 €.

16. Edozein ibilgailuren karga eta deskargak egitean zikindutako espaloi eta galtzadak ez garbitzea: 200 €.

17. Terrazak eta mahaiak dauden lekuak garbi ez edukitzea: 200 €.

28. artikuluko horretan kartelak jarri eta kentzeari buruz dioena ez betetzea: 100 €.

29. Udalerriko edozein lekutan kanpatzea eta kanpin dendak edo kanpatzeko ibilgailuak jartzea. Sua edo barbakoak egitea: 100 €.

6. *Arau haustek.*

— Zuhaitzetara igotzea: 60 €.

— Aldi baterako bada ere, obra materialak zuhaitzetan pilatzea: 100 €.

7. *Arau haustek.*

— Jabari publikoko ondasunetan kalteak eragitea, kalte horien zenbatekoa 3.000 eurotik gorakoa ez bada 100 € eta 750 € artean.